

مُتَلَقِّمٌ

۱۳۲۶

محل اراده:
درسمادنده باب عالی جاده سنده
دايره مخصوصه در

انظار:
مسلكمزه موافق آثار جديده مع المنونيه قبول اولور
درج ايديلمين آثار اعاده اولماز

دين ، فلسفه ، ادبيات ، حقوق و علوم دن باحث هفته لق رساله در

درسمادنده نسخه سي ۵۰ پاره در

قيرله دن مقوا بورو ايله كوندريليرسه سنوي
۲۰ غروش فضله آلنير.

درسمادنده پوسته ايله كوندريليرسه ولايات بدلي اخذ اولنور.

مؤسسلري : ابوالملا زين العابدين - ح . اشرف اديب

سنه لكي القى آيلغى

۳۵ ۶۵

۵۰ ۹۰

۵۰ غروشدر

درسمادنده

ولاياتده

ممالك اجنبيهده

برنجي سنه

۵ محرم ۳۲۷ پنجشنبه ۱۵ كانون ثاني ۳۲۴

عدد : ۲۳

يك چوق موضعنده كاه علم نوره ، جهل ظلمته ، كاه عالم بصيره ، جاهل اعمايه تشبيه اوانشدر . « شهد الله انه لا اله الا هو الملكة واولوا العلم قائماً بالقسط » آيت كريمه سنده رجال علم جناب حق وملائكة كرام ايله برانكده ذكر اوانه رق قدری تجیل اولمشدر . شخصتی نشینلری اولسون ، دیورسین ؟ شرکتلر تشکیل ، کار کاهلر کشاد ایدلسونمی ایسته یورسین ؟ سعی وعمل ایچون ، تقییح عطالت ایچون ، امور خیرهده تعاون ایچون ، کسب وتجارت ایچون ، شرکتلر تشکیلی ایچون سویلنمدک سوزمی قالمش ؟ بو خصوصاته دائر قرآن کریمده ، کتب احادیثده ، کتب فقهیهده ، اصول فقهیهده کی او امر واحکام ومسائل میدانده . ترقی وسعادت وکالات ایچون بشقه نه قالدی ؟ هیچ . اویله ایسه بونلاش وتصاف نه ؟ « اطابوا العلم ولوبالصین » بیورلمش . دیگر برحدیت شریئده « الحکمة ضالة المؤمن یاخذها این وجدها » وارد اولمش . دیمک تحصیل علم ایچون لزومی تقدیرنده آخردیاره حتی بلاد بعیدیه شدر حل ایتمک مأمورز . حکمت وکالاتی نرودد بولورسه ق اخذ واقباس ایتمک شعار ملیمزدر .

معلومدر که دین بر رابطه صمیمیه در که عبادی خالق تعالی حضرتلرینه ربط و بند ایدر . اگ قوتلی بر محرکدر که انسانی اعمال خیره یه سوق ایلر . بر موعظه بلیغه در که تقریر فسونکاری وجدانی مفتون نضائل قیلار . عالی بر حکمتدر که نظرتده کی انتظام و وحدتی کوسترر ونسکز بشرده ادراک معالی اویاندیرر .

شو حالده یوزمزی غربیه دوندیرهلم ، دیمکه نه ضرورت وار ؟ دیارمزرک اخلاق و آدابی ترک ایدمده غربک اخلاق وعاداتی تمثیل ایایهلم ، فکرینی اورتیه سورمکده نه معنی وار ؟ برده سکا صورارز : ای ذهن وقاد ! غربده بواندیغک مدتجه اودیاریک دار الفیض عزالانلرندن بزه نه تحفه علم و کمال کتوردک ؟

سوزه بوراده نهایت ویرهلم و محترم ادیب اخلاق شناسمزرک شو نشیده سنی هم آهنک اوله رق اوقویهلم :

اخلاق ایله در کمال آدم
اخلاق ایله در نظام عالم
اخلاقه نظر ایدلینجه
سمت ادبه کیدلینجه
عالمده نیجه معارف اهلی
ترجیح اید یور علومه جهلی

برکت زاده اسماعیل حق

فلسفه اسلامیة :

اثبات واجب

— ۴ —

مسلك اختراع وابداع اوزره اثبات واجب
متشابه الاجزا اولان ماده دن ، یعنی ماهیتلری بر اولان اجزای

مادیه دن بر چوق عناصر مختلفه نك وجوده کلی ، بر اثر اختراع و بر ابداع در . بو کیفیتی اجزای ماده نك اختلاف وضعلرینه حمل ایتمک باطل در . زیرا اختلاف وضعك اختلاف ماهیتی اقتضا ایتمه چکی بدیهی در . بونکله برابر اختلاف وضعده آریجه بر ابداع و بر اثر اختراع در .

معلومدر که اجسام مرکه بر چوق عناصر مختلفه دن تشکیل ایتمشدر . حالبوکه بو عنصرلر عین ماهیتك افراد واجزاسی در . بناء علیه بونلر آره سنده حسب الماهیه اصلا اختلاف یوق در . جمله سی « ماده » دینان شیک اقسامدن عبارتدر .

اساساً بونلر ماهیت واحده نك اقسامی اولدقلری حالده یکدیگره نسبتله حقیقت و ماهیتلری بالکلیه باشقه در . چونکه اکر اویله اولماسهیدی اجسام تنوع ایدمزدی . کائناتده آنجق بر نوع جسم بوانوردی . حالبوکه بو عالمده ماهیتلری یکدیگرینه مخالف لایعد ولایحصی اجسام موجوددر . و هر برینه مخصوص نیجه آثار واحکام ترتب ایتمکده در .

بر کره اجسام جادیه بی نظر تدقیقندن کچیرم ، بونلردن اولو اجرام علویه بی نظراعتباره آلهلم ؛ بونلرک جمله سی عین ماده دن ترکیب ایتدیکی حالده هر برینک کندینه مخصوص بر هویتی ، بروضعیتی ، بر مقدار و بروقت معلومی واردر . یکدیگرینه نسبتله بعضلری پک کوچک و بعضلری پک بوکدر . حتی اوقدر بیوکدر که کره ارضك آکانسیتی بر قوم دانسنک بیوک بر طاءه نسبتی کی در . بونلردن هر بری کندی مدارنده کمال انتظام ایله دور ایدیلور .

بو اجرامک هیچ برنده سکونت کورولیلور . هر بری کندینه مخصوص بر حرکتله فضا ده طولاشیور . حتی شیمدیکی هیئتونک کشفلرینه کورده شمس بیله ثانیه ده سکز کیلو مترو بر سرعتله توابعی ایله برابر « هرکل » برجه طوغرو ایلر یاکددر . بعض کواکبک کونی وسنه سی بزمنکندن ده اقیصه و بعضیسنک ده اوزون در . « زخل » ک برسنه سی بزم سنه لرک یکر می طقوزینه مساوی در . « اورانوس » ک برسنه سی بزم سنه لرک یتمش دردی قدردر . « نپتون » ک برسنه سی بزم سنه لرک یوز آتمش دردینه معادلدر . حالبوکه « عطارد » ک برسنه سی بزم سنه لرک ربی قدردر . بر قسمنک حرارتی یوقدر . بر قسمنک حرارتی ایسه پک شدتلی در . حتی شمسک حرارتی جمع ایدیلسه کره ارضك تخمیناً اون بیک ایکوز کیلومتره ٹخننده اولان قشرینی بر کونده آریتمکه کفایت ایدر . بو حرارت شدیدنه ک ایکی میلیارد اوچ یوز سکان بر میلیونده بر جزئی بزه واصل اولیلور و بو صورتله روی زمینده حیات حصوله کلیلور . ارضك شمسدن اولان بعد مسافه سی یوز قرق طقوز میلیون کیلو مترودر . عوالم سائرده ده دخی عین احوال جریان ایتدیکی استدلال ایدیلور .

صوکره بر کرده اجسام ذی حیاتی نظراعتباره آلهلم : بو اجسامک جمله سی بر طاقم معدنی شیلردن ترکیب ایدیلور . بونلرک اجزای اصلیه سنی معدنیات تشکیل ایلور . آزوت ، قاربون ، مولدالماء ،

مولد الحوضه دن عبارت اولان معدنیاتدن ، یعنی شبه معدنی اولان شیلردن نباتات ، حیوانات حاصل اولیور . حالبوکه اویله معدنی اولان شیلر ایله حیات آرسنده وهله علم ، اراده ، قدرت ، سمع ، بصر وسائر کبی صفات عالیه میاننده اصلا مناسبت یوقدر . بونک ایچوندرکه بر عرب حکیمی : «الذی حارث البریه حیوان مستحدث من جماد = بتون انسانلری حیرتده براقان شی برطاقم جماداتدن حیوان جنسک حصوله کلسیدر» دیشدر . ایشته بونلرک جمله سی هب ابداعات و اختراعات قیلندن در .

شمدی بچی خلاصه ایدلم : بتون عوالم اجزای اصلیه سیله ، اجرام علویه وسفلیه سیله ، معدنیات ، نباتات و حیواناتیله عدوا حصادن خارج نیجه احوال بدیعه و عجیبه نی محتوی در . بونجه بدایی حاوی اولان شیلر ایسه بر مبدعک ابداعی و بر مخترعک اختراعیه در . اومبدع ایسه «واجب الوجود» در . زیرا بوقدر آثار بدیعه یه مبدأ اولان شیئک ممکنات جمله سندن اوله میه جنی مسالک سالفه ده ذکر ادله ایله مثبت در .

موسی کاظم



انسان

«وتزعم انک جرم صغیر ،
وفیک انطوی العالم الاکبر .»
امام علی

خبردار اولمامشسک کندی ذاتکندن ده حالاسن
«مختر بر وجودم !» دیرسک ای انسان ، فقط بیاسهک ..
سنگ ماهیتک حتی ملکلردن ده علویدر :
عوالم سنده پنهاندر ، جهانلر سنده مطویدر !
زمینلردن ، سمالردن طاشارکن فیض ربانی ،
اولور قابک تجاویز نورانور یزدانی .
مصغر جرمک اما ظایه صنع الیهسک ،
بو حیثیتله پایانک بولونماز ، بی تناهیسک !
ادیب قدرتک بیت القصد شعری اولمشسک ،
حکیم فطرتک بر آکلاشیلماز سری اولمشسک .
اسیرکدر طبیعت ، دست تسخیر کده در اشیا ،
سنگ احکامکک منقادیدر ، محکومیدر دنیا .
بولولطردن صواعق صید ایدر عرفان چالاکک ،
یرک آلتنده معدنلر بولور نقاد ادراکک .
دکزلر بسترکدر ، طالغملر کهواره نازک ؛
نهدر طاغملر ، سما پیا سنگ شهبال پروازک !
هوا بر رفرق سیال حکمکدرکه بر دمده
اولور دمساز آوازک بوتون اقطار عالمده .
دایانماز پیش اقدامکده مانعمر ، مزاحملر ؛
قاچار سن رزمکاه عزمه کیردکجه مهاجرلر .
قارا کلقلرده کزسهک شبحراغک فکر حکمتدر ،
که هر اشراقی بر سونمز ضیای سرمدیتدر ؛

صوسزچوللرده قالسهک بدرقهک الهام سمیکدر ،
که هر خطوه کده ایلر سایه کستر واحملر ظاهر .
نه زندانلر اولور حائل ، نه منفالر ، نه مقتلار ..
یورورسک سدراهک اولسه حتی آهنین اللر .
بیقار باروی استبدادی بر آسوده تدبیرک ،
سمالردن اینن تأییدیسک کویا که تقدیرک !
تحریدن اوصانمازسک ، تعالیدن تعالی یه
آتیلدقجه ، آتیلسم شمدی ، دیرسک باشقه آتی یه !
سنگ الکشانلی ایامکده ، اک مسعود حالکده
براستقبال دورادور واردر هب خیالکده .
اواستقباله درشوقک ، اودر معشوق وجدانک ؛
اوقدسی نشوهنک شیدای بی آرامیدر جانک .
اوشوقک دائم الجاسیله سیرک اضطراریدر ،
ترقی میلی آرتق فطرتکده روح ساریدر !
بوتون اسرار خلقتدن خبردار اولمق ایسترسک ،
بوغیستان هیچاهیچدن قورتولمق ایسترسک !
معادک مبدئک ، حالک که اوچ مدهش معمار ..
طورور ادوار مستقبل کبی قارشیکده هب حاضر .
قوشارسک بونلرک سودای ادرا کیه طورمازسک ،
حقیقتدن ولور برشمه طویمازسهک اوطورمازسک .
سراثر پرده پوش ظلمت اولسون وارسین ایسترسه ..
دوشورمز دوشدیکک یلدای حرمان روحکی یاسه ؛
امل مشعل کشک ، بررهنا همراهک اولمشکن
تجاشی ایله مزسک سینهدیجوره کیرمکدن .
کلوب برکون تجلی ایتسه ماهیات مصنوعات ،
تحریدن کچر بر دم قرار ایلر میسک ؟ هیهات !
طوتارماهیت صانع ، اوک هیبتلی ماهیت
اولور آتشنز آرامک ، آرتق طورمه جولان ایت !
توقف یوق سنکچون ، دائمی برسیره تابعسک ؛
نه زیرا حاله راضیسک ، نه مستقبله قانصک !
طورورکن بویله بی پایان ترقیزار قارشیکده ،
نصل دیرسک یا «پک محدود بر جرم !» طوتارسک ده ؟
ملکلردن بویوک هم چوق بویوک تجلیه مظهرسک ؛
تکالیفک امانتکاهیسک ، بر باشقه جوهرسک !
حیاتک اکسیک اولمازکن آغیر بیک باری آرقه کدن ؛
اولوملر ، قورقولر صولت ایدرکن هپسی بریاندن ؛
شدائد اقتحام ایتمکده مدهش برمکانته ،
یولکدن قالمایوب دائم کیدرسک .. هم نه سرعتله ؛
سنگ بر نسخه کبرای خلقت اولدینگک البت
تجلی ایتدی آرتق ؛ طور ، دوشون اویله یسه بر حکم ایت ؛
نصل اولمق کرکدر شمدی افعالک که همپایهک
بهائم اولماسین ، قدرک ملائکدن معززکن ؟

محمد عاکف